

შესავალი

ივანე ჯავახიშვილის სახელობის თბილისის სახელმწიფო უნივერსიტეტის სოციალურ და პოლიტიკურ მეცნიერებათა ფაკულტეტი შეიქმნა 2005 წელს, სხვადასხვა ფაკულტეტებზე არსებული სოციალურ და პოლიტიკურ მეცნიერებათა სპეციალობების ბაზაზე.

სწავლების სამივე საფეხურზე ცოდნას ეუფლება 2224 სტუდენტი.

ფაკულტეტზე მოქმედებს 7 საბაკალავრო, 16 სამაგისტრო და 13 სადოქტორო პროგრამა. საგანმანათლებლო პროგრამების განხორციელებაში ჩართულია 15 პროფესორი, 36 ასოცირებული პროფესორი, 16 ასისტენტ-პროფესორი, მათ შორის 55 აფილირებული და 135 მონვეული პედაგოგი.

ფაკულტეტს ემსახურება 41 დამხმარე პერსონალი.

ფაკულტეტის საგანმანათლებლო პროგრამები ხორციელდება დასავლეთის წამყვანი უნივერსიტეტებიდან გაზიარებული სწავლებისა და კვლევის სტანდარტებისა და ადგილობრივი კვალიფიციური აკადემიური პერსონალის გამოცდილების საფუძველზე.

სოციალურ და პოლიტიკურ მეცნიერებათა ფაკულტეტზე 6 სასწავლო-სამეცნიერო სტრუქტურული ერთეული - მიმართულებაა: პოლიტიკის მეცნიერების, ჟურნალისტიკისა და მასობრივი კომუნიკაციის, საერთაშორისო ურთიერთობების, სოციოლოგიისა და სოციალური მუშაობის, საზოგადოებრივი გეოგრაფიისა და ინტერდისციპლინური.

სოციალურ და პოლიტიკურ მეცნიერებათა ფაკულტეტის განვითარების პრიორიტეტები ეფუძნება ივანე ჯავახიშვილის სახელობის თბილისის სახელმწიფო უნივერსიტეტის მისიასა და სტრატეგიული განვითარების გეგმას.

სოციალურ და პოლიტიკურ მეცნიერებათა ფაკულტეტის სტრატეგიული განვითარების გეგმა (2018-2024 წწ.) წარმოადგენს დოკუმენტს, რომელშიც ასახულია ფაკულტეტის მისია, ხედვა, ღირებულებები, მიზნები და განვითარების პრიორიტეტები შვიდწლიან პერიოდში. იგი განსაზღვრავს ფაკულტეტის მიერ დასახული მიზნების მიღწევის გზებსა და საშუალებებს.

მისია

სოციალურ და პოლიტიკურ მეცნიერებათა ფაკულტეტი ერთგულია მრავალსაუკუნოვანი ქართული კულტურულ - საგამანათლებლო ტრადიციებისა და მის მისიას წარმოადგენს:

- ქვეყნის სოციალურ-ეკონომიკური და კულტურული განვითარების ხელშეწყობა ახალი ცოდნის შექმნისა და გავრცელების გზით;
- კონკურენტუნარიანი კადრების მომზადება;
- სასწავლო-კვლევითი საქმიანობის განვითარება;

მიზანი

ფაკულტეტის მიზანია მყარად დაიმკვიდროს წამყვანი პოზიცია საუნივერსიტეტო სივრცეში, განვითარდეს სწავლებისა და კვლევის საერთაშორისო სტანდარტების ფარგლებში და უზრუნველყოს განათლების ევროპული ხარისხის მუდმივი ზრდა და ინტერნაციონალიზაცია, ევროპულ უნივერსიტეტებთან მჭიდრო თანამშრომლობის გზით.

ხედვა

სოციალურ და პოლიტიკურ მეცნიერებათა ფაკულტეტი 2024 წლისთვის გახდება სოციალური და პოლიტიკური მეცნიერებების განვითარების საერთაშორისოდ აღიარებული საგანმანათლებლო - კვლევითი ცენტრი, რომელიც აქტიურად იქნება ჩართული ქვეყნის წინაშე მდგომი სოციალურ-ეკონომიკური და პოლიტიკური გამოწვევების გადაჭრის საკითხებში.

ღირებულებები

სოციალურ და პოლიტიკურ მეცნიერებათა ფაკულტეტი ეფუძნება ზოგადსაკაცობრიო ღირებულებებს, ყოველივე იმას, რასაც მნიშვნელობა აქვს სასწავლო-კვლევითი მოღვაწეობისთვის. ეს ღირებულებებია: პროფესიონალიზმი, აკადემიური თავისუფლება, პასუხისმგებლობა, კოლეგიალურობა, ღიაობა, ნდობა, იდეების მრავალფეროვნება, ცვლილებებისა და ინოვაციებისადმი მზაობა, ქვეყნისადმი მსახურება და სხვ.

სოციალურ და პოლიტიკურ მეცნიერებათა ფაკულტეტი უზრუნველყოფს მაღალ ხარისხს, თანაბარ მისაწვდომობასა და თვითრეალიზაციის საშუალებას სწავლის, სწავლებისა და

კვლევის სფეროში განურჩევლად სქესისა, რელიგიური აღმსარებლობისა, ეთნიკური წარმომავლობისა, ფიზიკური შესაძლებლობებისა და სოციალური მდგომარეობისა.

სტრატეგიული დაგეგმვის მეთოდოლოგია

სოციალურ და პოლიტიკურ მეცნიერებათა ფაკულტეტის სტრატეგიული განვითარების დოკუმენტი ეფუძნება ივ. ჯავახიშვილის სახელობის თბილისის სახელმწიფო უნივერსიტეტის სტრატეგიული განვითარების გეგმას 2018–2024, თუმცა მუშაობა დოკუმენტზე დაიწყო ფაკულტეტის დეკანის 2015 წლის 5 მაისის #5 ბრძანების საფუძველზე ფაკულტეტზე ხარისხიანი განათლების უზრუნველყოფისა და სამეცნიერო-კვლევითი საქმიანობის განვითარების მიზნით შექმნილმა სტრატეგიული განვითარების კოლეგიამ, რომლის მუშაობაშიც ჩართული იყო ფაკულტეტის პროფესორ-მასწავლებელთა და სტუდენტთა ნაწილი.

დოკუმენტის მომზადებისას გათვალისწინებული იქნა მსოფლიოს წამყვანი უნივერსიტეტების გამოცდილება, საგანმანათლებლო და კვლევითი საქმიანობის განმსაზღვრელი დოკუმენტები და განხორციელდა ფაკულტეტზე არსებული მდგომარეობის ანალიზი, ანალიტიკური ინსტრუმენტის, ე.წ. SWOT-ანალიზის მეშვეობით.

SWOT-ანალიზი

ამ მეთოდით გაანალიზდა ფაკულტეტზე არსებული ვითარება, გამოვლინდა ძლიერი და სუსტი მხარეები, შესაძლებლობები და საფრთხეები, ხოლო მიღებული შედეგების შესაბამისად განისაზღვრა ფაკულტეტის განვითარების სტრატეგიული გეგმა.

ძლიერი მხარეები

- უნივერსიტეტის ტრადიცია და ისტორია;
- უნივერსიტეტის რეპუტაცია და პრესტიჟი;
- მაღალკვალიფიციური კადრები;
- საგანმანათლებლო პროგრამების ფართო არჩევანი;
- ორმაგი აკადემიური ხარისხის მიმნიჭებელი საგანმანათლებლო პროგრამები;
- ინგლისურენოვანი საგანმანათლებლო პროგრამები;
- ინტერნაციონალიზაციის მაღალი ხარისხი;
- მდიდარი საბიბლიოთეკო რესურსები, მათ შორის ფაკულტეტის მცირე ბიბლიოთეკები;

- სტუდენტთა სახელმძღვანელოებით უზრუნველყოფის მიზნით, ყოველწლიური „საფაკულტეტო სახელმძღვანელოების კონკურსი“;
- პროფესორთა და სტუდენტთა კვლევითი საქმიანობის ხელშეწყობის მიზნით, ყოველწლიური „საფაკულტეტო მიზნობრივი სამეცნიერო პროექტების კონკურსი“ ;
- საფაკულტეტო მაღალი სტანდარტის სამეცნიერო ჟურნალებში პროფესორთა და სტუდენტთა სამეცნიერო პუბლიკაციების გამოქვეყნება ;
- საერთაშორისო ინდექსირებულ ჟურნალებში (1,5 და მეტი) გამოქვეყნების ფინანსური ხელშეწყობა აკადემიური პერსონალისთვის;
- ყოველწლიური და თემატური საერთაშორისო სამეცნიერო კონფერენციების ორგანიზება;
- სტუდენტთა სამეცნიერო კონფერენციების ორგანიზება;
- უწყვეტი განათლების გამოცდილება (სემინური სკოლები).

სუსტი მხარეები

- არასაკმარისი ფინანსები;
- მოძველებული ინფრასტრუქტურა, აუდიტორიების ნაკლებობა და მწირი მატერიალური რესურსები;
- აკადემიური პერსონალის არასაკმარისი რაოდენობა;
- მოწვეულ პედაგოგთა ჭარბი რაოდენობა;
- არასაკმარისი კვლევითი პროდუქცია;

შესაძლებლობები

- თანმიმდევრული და კოორდინირებული საგანმანათლებლო პოლიტიკის განხორციელება;
- ანგარიშვალდებულების პრინციპის შემდგომი დახვეწა;
- აფილირებული აკადემიური პერსონალის რაოდენობის ოპტიმიზაცია;
- აკადემიური პერსონალის კვალიფიკაციის ამაღლება;
- აკადემიური პერსონალის კვლევითი საქმიანობის შემდგომი გააქტიურება;
- კვლევების განხორციელება შრომის ბაზრის მოთხოვნების განსაზღვრის მიზნით;
- დაფინანსების ალტერნატიული წყაროების მოზიდვა;
- ხარისხის მართვის სისტემის სრულყოფა;

- საგანმანათლებლო პროგრამების მოდერნიზაცია და რაოდენობის ოპტიმიზაცია;
- საერთაშორისო საგანმანათლებლო - სამეცნიერო კავშირების გაღრმავება;
- პროგრამების საერთაშორისო აკრედიტაცია;
- ევროპულ უნივერსიტეტებთან ერთობლივი საგანმანათლებლო პროგრამების შექმნა;
- უწყვეტი პროფესიული განვითარების ხელშეწყობა;
- კურსდამთავრებულთა საფაკულტეტო სივრცეში ინტეგრირების ხელშეწყობა;
- ინკლუზიური განათლების სრულყოფა.

რისკები

- არამდგრადი რეფორმები და ხშირი საკანონმდებლო ცვლილებები;
- შრომის არასაკმარისი ანაზღაურება, მისი თანხლები მაღალკვალიფიციური კადრების დენადობით;
- ქვეყნის დემოგრაფიული განვითარების ტენდენციები, სტუდენტთა პოტენციური კონტინგენტის კლებით.

განვითარების სტრატეგიული ამოცანები და მიმართულებები

სოციალურ და პოლიტიკურ მეცნიერებათა ფაკულტეტის წინაშე არსებული გამოწვევების ანალიზის შედეგად ჩამოყალიბდა ფაკულტეტის განვითარების სტრატეგიული ამოცანები და მიმართულებები 2018-2024 წლებისთვის. ესენია:

სწავლა და სწავლება: სტუდენტზე ორიენტირებული საგანმანათლებლო პროცესის განვითარება, ხარისხის მართვის სისტემის სრულყოფა სასწავლო პროგრამების მაღალი ხარისხის უზრუნველყოფის მიზნით, სწავლების ალტერნატიული ფორმების დანერგვა, ინკლუზიური განათლების განვითარება, მთელი ცხოვრების განმავლობაში სწავლის ხელშეწყობა;

კვლევა და ინოვაციები: საერთაშორისოდ აღიარებული სამეცნიერო პროდუქციის შექმნა და გამოქვეყნება რეიტინგულ ინდექსირებულ სამეცნიერო ჟურნალებში, კვლევითი პროდუქციის კომერციალიზაციის ხელშეწყობა;

თანამშრომლობა და ჩართულობა: კვლევითი და საგანმანათლებლო საქმიანობის შიდა და საერთაშორისო თანამშრომლობის გაძლიერება, ერთობლივი საგანმანათლებლო პროგრამების განვითარება და კვლევითი პროექტების ინიცირება, სტუდენტთა და აკადემიური პერსონალის საერთაშორისო მობილობის ხელშეწყობა, ფაკულტეტის ცნობადობის გაზრდა საერთაშორისო საგანმანათლებლო – კვლევით სივრცეში.

რესურსების მართვა: ფინანსური პასუხისმგებლობის, მატერიალური და ფინანსური რესურსების მართვის ეფექტიანობის ამაღლება, თანამედროვე ტექნოლოგიების დანერგვა სწავლა - სწავლების პროცესში, საგანმანათლებლო – კვლევით სფეროში ჩართული ადამიანური რესურსების განვითარება.